



ZAHTJEV ZA DOSTAVLJANJE PONUDA

Nagrada Car Maksimilijan za evropske zasluge na regionalnom i lokalnom nivou za 2021. godinu

Pokrajina Tirol i grad Innsbruck ustanovili su nagradu Car Maksimilijan za izvanredna dostignuća u primjeni evropske politike na regionalnom i lokalnom nivou 1997. godine, na dan 85. rođendana dr. Alojza Lugera (†), dugogodišnjeg gradonačelnika Innsbruka i predsjednika Tirolskog pokrajinskog parlamenta. Ovom nagradom odaje se počast službi koju je dr Luger vršio za dobrobit Evrope.

U sklopu priprema za komemorativnu 2019. godinu, pokrajina Tirol i grad Innsbruck su obnovili nagradu Car Maksimilijan.

Ova nagrada odaje priznanje za izuzetne projekte koje su izveli pojedinci, institucije ili organizacije koje stvaraju dodatnu vrijednost na regionalnom i/ili opštinskom nivou u Evropi. Učesnici u konkursu moraju biti pouzdani, a takođe i u poziciji da iznesu i završe projekat.

Posebno će se razmatrati projekti koji na poseban način unaprjeđuju razumijevanje evropskih vrijednosti i procesa evropskih integracija, kao i oni koji pokrivaju oblasti miroljubive koegzistencije i jedinstva Evrope. Oni svakako moraju biti povezani sa lokalnim i regionalnim nivoom. Prijavljeni projekti moraju obezbijediti potencijal za kreiranje najboljih praksi koje se mogu prenijeti na druge zajednice i regione.

Jako istaknut javni profil treba da među građanstvom ojača ideju Evrope. Cilj projekta ne smije biti ostvarivanje profita ili sticanje drugih sredstava niti on smije biti u suprotnosti sa zakonskim odredbama ili opštim principima evropskog zakonodavstva.

Prijavljeni projekti treba da: imaju fokus na inovacijama; prate nove pristupe ili metode organizovanja; obuhvate procjenu efekata i razvojnih ciljeva projekta ili očekivanih efekata. Ono što je odlučujuće su različiti aspekti evropskih integracija. Najvažniji kriterijumi uključuju: efikasnost projekta, održivost i kreativnost, fokus na motivaciji drugih ciljnih grupa u svrhu njihovog nezavisnog angažovanja po evropskom pitanju.

Nagrada Car Maksimilijan se dodjeljuje svake dvije godine. Ona se sastoji od uvjerenja, medalje (medalja cara Maksimilijana I iz 1509. godine), i novčane

nagrade u iznosu od 10.000 EUR. Novčana nagrada je namijenjena pobjedničkom projektu. Nagrada se dodjeljuje pojedincu, instituciji ili organizaciji za evropske zasluge na regionalnom i lokalnom nivou.

Projekti mogu biti dostavljeni isključivo putem platforme za prijavljivanje koja je integrisana na veb stranici www.kaisermaximilianpreis.at. Projekti moraju biti dostavljeni na njemačkom, francuskom ili engleskom jeziku.